

# OMUKUETU

No: 6

ESIKU 15 lja M A A R T

1939

X·X·X·X·X·X·XX ■ XX·X·X·X·X·X·X·X ■ XX·X·X·X·X·X·X ■ X·X·X·X·X·X·X■

VI.



Okuume kandje, to leša oohapu nzika, otandi ku pula: Oua tonata tuu, nenge ua kumuka? Mokuipulapula ngeji tala efano ndika, tala omeho gomuntu ngu. Eho li mue lja šišikila neho ekuauo lja tonata. Tala išeue omütima gue. Omanžinžiliko goku nžinžilika okuhepekua kua Jesus nošilonga šOmbepo Ondjapuki kage mo ue ogendji, ngaši šito; na ngoka ge li mo, oga fa ga hala okuza mo momütima moka. Omolua šike? Omolua šoka omuntu atameke okueša eendašano nOmüua gue omegalikan no moohapu ze, a vuulua okuitonatela ue no a kumuka po.

Eho lje ekuauo olja tonata šili, ihe tala li tala mooha, moka mu na iinamueño mbjoka, ja li ja pangele momueño gue, manga ini itezulula. Omuntu a suuñe ngeji okuitonatela, a kuationa kohokue jokuhokua uulunde nuuinaji kehe Nomütondi nongundu je ajihe ta tembukile neñañu enene momueño ngu. Omüjengeli — esilohenda lja Kristus — ta kambazala tuu oš

kukondjiša saatana, ihe omuntu, šoka kue egululile uuhalu ue omueño gue, no ta tala ujuni — omülumentu e negonga meke — esilohenda lja Kalunga kali na šoka tali vulu ue muje. Omuntu a sindua komütondi gue.

Omüjapostoli Petrus ta ti: "Kaleni mu neiziliko no mua tonata. Omütondi gueni, saatana, ohe mu kundukiza ongonime haji ulu, no ta kengo ngoka, e mü ninagule. Mü kondjišeni mua kola meitaalo."

## Osike nda mono miilongo?

Ofreilaini Lindström a fikama a ka suune ku Suomi ndele te tu sangele paimē esi a mona mondjila jaje. Oje ta ti ngaha:

## AAKUETU NEI

Auambo ja hugunine nde ja laleke kenongelo lja Štofberg mu Vrystaat. Esiku ndjoka nda li ndi nokušikama kua tiua ondjila ajihe ja jelulua po, omasina itaga ende, ihe šo nde ja kostasiona, ondjila ja li ja pangelua išeue, nesina lja fala ndje mpoka nda hala

Tango nde ja mošilando ošinene, ezina ljašo Johannesburg, ihe inandi kala ko. Ošnda ji ouala mesina ekuauo nonda koša oššoka kua li ongulohi. Ongula nda penduka ndi li mošilongo ša Natal. Nani ošilongo ašihe ošu uza oondundu oondendeka nomasilu omale, oombogo nokuli.

Oomboka ja li ja palele ondjila, nani oja mona iihuna. Omatuni omauinaji goškuenda. Kombinga jimue kua fulua evi, kombinga onkuauo kua guezulua ko, opo pu holoke ehala lja jelekana, nesina li uape okuenda no lja mbolokotele moombogo. Pomaha gamue ondundu ja li po ondendeka sigo esina lja nengua okulondela ko, opo mpoka pua fulua ondjila ja fomükala guo mbuku. Esina lja hiti mo meni ljondu ndu moka mua li omilema šokošoko, ihe esina lje ende tuu kiitenda jaljo sigo lja uuluka išeue kombinga onkuauo jondundu. Pomaha omülongo mesina mua temua oš

lampa nokuli omolua šoka lja kala mo meni ljondundu ešimbo ele kašona.

Kooha zondjila inandi mona mo nando omakuti moka omiiti za mena zožene. Ož kua li ku na tuu omiiti ožindji kašona za fokuti, ihe ažihe ži li momikuejo žuuka, za fa za tsikua kaantu.

Omvula jonumvo ja fa ožindji muka, ošoka omilonga ožu uža, niimeno ažihe ja ņaņukua. Omapja gomapungu ga monika ogendji nišuee iihua jombanana nošihenguti šo suuka.

Etihejaali lja Februari onda šika ko košilando ša Durban ši li komŭnkulo guešfuta. Nani ošinene uo, ša fa šaKaapa. Aa ntu ja kumiša ndje muka, ojo aaindia. Ož šipa šauo ša fa kašona šaakuena. Jamue ja jela je vule aakuena. Aalumentu haje ende moonguo za fa zaaeuropa, ihe komŭtse je negala ljaamuhamedi, lja fombiga ja žizilikua. Aaakiintu haje ende moombulukueja oondendeka žu uža uulenga ua hondjelua ko, no komapepe je nelapi enene lja fekušmbjaša, ihe oljo uo olju uža uulenga uošpala.

Aaluze haa monika uo, ojo aazulu ašniua, ihe ošipala šauo ša fa šaaouambo. Ož jendji nde ja tala ja fomŭuambo naanaa. Aaeuropa je li mo išeue jomiilongo ažihe, nomalaka taga popiua komapandaanda kage ši kujalulua.

Komŭnkulo oku nooskepa ožindji. Jimue ojaanduisi, ezina ljajo „Watussi”. Ož ljo tuu te tsikile ondžila jandje najo ongula.

Kundilueni po amuhe ku

Liina Lindstrom

## Omambo

aa a sangua komujelifeitavelo Luther taa ka lundululua ndele taa ka njanjangidua palaka lovajapani. Onaini ovambo tava ka mona omambo aa mahapu?

## Oveta ipe

taji ka totua kepangelo lovajapani pomafišku aa. Ojo taji ti: omŭņu kese na tokole je muene ngenge a hala okukala moupaašni ile a hala okutaambula oukriste. Kapešna ou ta fiminikua nande.

Elenga ou a tota oveta ei oje omupaa ni je muene, edina laje Araki, ndele ne ož je omunandunge a longua sili. Oņge hano ta siiva omŭņu kese e liudite naua ndele e hoole epangelo losilongo ngenge tape uja emangululo la tja ngaha. Oņge hano ina hala okufiminika nande omŭņu umue a

diinine eeņgendi dovapaani, ahoue, ile ina hala okupanda oupaani, ahoue. Ošo jo ož malenga avese va ti, osesi ovajapani ovanešndunge neeņgono noņge hano epangelo lavo la kola nohamba javo ji hoolike neešņgono kovaņu avese, no kovapaani no košvakriste.

## Ovatumua vape

tava ka fikama mu maart ku Suomi va ka fike mu april kOuambo. Ovo tave uja ož vava:

Omŭsamane nefolo Syrja.

Omŭsamane nefolo Makkonen

Ofreiaini Tamminen

Ofreiaini Kyllonen

## Mu Amerika

luokusidi mu na oilongo ihapu ovaņu vašjo inava longua naua ndele inapa pita ož mafiku esi va dja moupaani. Ndele ne ož mapangelo nomalenga oilongo inja va hala nokuhalelela ovaņu va uudifilue evangeli no va longue momanongelo ovaņu opo va ehene komeso. Ovahongi vahapu hava udišfa ko ndele ovalongi vahapu hava longo momanongelo osesi omalenga va hala oišlongo javo ji ha hutuke ji dulike koilongo ikuaou jovanandunge va longua naale nokuli.

## Kiina

Omupangeli omukuluņu mu Kiina ešdina laje Tsiangaisek okua udifile ovaņu vaje avese kokutja otua hala okuhoola ašluse edu letu no tua hala oku li kelela koišponga ajiše; ndele kua pandula neeņgono ovatumua venja va Kalunga va tualele ovaškiina evangeli. Nefolo laje kua ti: „Ngeno iratu tuminia evangeli la Kalunga ngeno ne tua fjounje pomafiku aa osilongo setu esi sa kuatua koudju”.

Mu Kiina omu na ovapaani vahapu ve dule ovakriste ndele ne osiuana novapašngeli hava njakukilua evangeli esi le va eštele eeņe doujelele. Ovakiina va longua naa naa nale momanongelo, ovo ovaneendunge ngasi ovajapani jo ndele tava dimbulula eendunge adike ihadi kuafa, omuenjo ngešnge ihau mangululua moulunde ku Kristus. Oņge hano nomupangeli ua Kiina ta njakukilua evangeli esi le uja nokueta elao olo mosilongo saje opo si kale.

## Ovajuda

esi va dina Jesus ndele ve mu dipaa, otaz va mono oupakadi uhapu pairne moilongo i lili no i lili ngasi Jesus muene kue va lombuele nokulila. Ekulilo le uja popepi navo ndele ne inave li taambula. Ovanduisi va hala va dje mo mosilongo savo; ovaenglisa novafransa kave hoole o ku va taambula. Oso ngaha ehandu la Kalunga le va hanga sasi va dina edina l'Omue ne ngasi mupsalmi ta ti.

## Onapo inene.

Odila taji endebele neengono. Oihuna! Pomafiku aa omuñu umue a dja ku Kapa omutenja metivaali losiviike nodila jaje nde le metine losiviike oso a lambele ku Eng land. Hano omafiku avaali aeke. — Oske pa taji ende osinano oso oivike oivaali.

## Leseni esi.

Ovañu vamue va tumine „Omukuetu eendjovo dimue di njanjangidue mOmukuetu. Ndele ne itasi dulika nande sasi da sa ngua inadi jela. Omuñu kese a hala oku sangela Omukuetu eendjovo e nokudi mbulukua oinima ei

1) Eendjovo di nokusangua neendada da jela nokutopola naua oitja nomatumbulo

2) Eendjovo di nokusangua mombapila iua inaji pombauka

3) Eendjovo di nokusangua kombinga jimue aike jombapila

4) Kolungenge luokolumoso luombapila ku nokufiua po okañele momukuejo kese itapa sangua sa.

„Omukuetu” ita dula okunjanjangidifa eendjovo odo inadi sangua da jela.

Ou ita siiva okusangua naua je muene na sangife eendjovo daje komuñu umue u ou ta siiva oku di sanga naua.

## Oondjo zonale

Aantu ojendji ja kambazala no haa kambazala okukulupisa oondjo zi zimbiue nopo zi zimue po ngaa.

Ihe pomasiku ngaka tua mona oondjo ihazi zimi ngaaka nande.

Ngašika tua uuvu aahona aatokoli ja konakona no ja tokola kOndangua oohapu oonkulunkulu mosivike šoka ša zi. Nando aantu mboka ja zipaga omukuaauo ja zila

zila ošinima ša zimi, ihe aue nandenande. Ombinzi jambejaka otaji pulua kombanda joomvula ožindji naanandjo mbeja taa ka mona iihuna ngasingeji.

Noso uo oondjo oonkuaauo ozi li po; itazi zimi nando nande za fa za muena kašimbo. Otazi ka pulua ngaa.

Otatu ningi ngini? Omuntu kehe na uuse oondjila ze niilonga je ajihe paahapu za Kalunga, na ese oondjo na ziginine uu juuki noondjila za Kalunga. Nena kee nokutila ša. Ihe aakaanakonašanakalunga je nokutila šili osoka egeelo tali ke ja aaza.

## ONGANDJELA

Uusiku uomandaha mokatikati kuusiku Ombala jetu oja huama; moku huama ope ja ombepo ja tukuka omikunda zo kumba ngalantuzilo ozo azike zuuvu onkugo. Eliko inali pja uulja uušona ua pile mo, iinima ja tutua mo, omiti, nondunda joo ntunda zošilongo, niikalunga ja kala mo, a jihe ja pja; aakiintu ojo ja hupisa iinima, ihe mondunda ndjoka ihamu ji omukiintu, onke aakiintu ja šikama ouala sigo ajihe ja lunguna po oohija oontunda n. š t.

## OUNONA

vokOhalusu va ningilua ohungi javo eti 2 Februarie 1939 opo va udifilue eendjovo da Kalunga, sasi vahapu ihava mono omiito okuholoka mongerki osondaha, omoluoufita uoimuna nomaimbo amue. Va li va ongala ve fike 105. Pua holoka jo ovapaani ovakuluñu 3. Ounona va udifilua va pukululua neendjovo dOmue ne. Esi tasi hafifa onunona.

Muatotele

Oso ngaha hovelani okuninga akusel Ehopaelelo eli lokOhalusu nali mu jambulel R d.

## Ohoole ja jina

Okua li ku nomukulukazi a vala. So pua piti omasiku gatatu, okua zi mo me gumbo nokua ji mepja. Manga ina za mo okua siikile naua okanona kaa mone ošiponga, nokua ji. Manga ina ja kokule, okua tala konima, nokua mono egumbo lja huama. Okua matuka ta kugu, aašiinda je je mu kuase. Šo a ji, okua mono ondunda ja huama moka mua li okanona. Okua kuša okanona nokue ka zingile monguaja, naašii

nda oje mü taamba, ihe omükulukazi okua li a pja kiikaha no koompazi no momütse, nokua ningile omasiku ogendji ta alukua.

Okanona šo ka koko, oka ningi okasi ta, esiku limue ongulohi šo ja li pelugo na jina, taa hobehe uulalelo, okamati oka tala jina noka ti: Meme ošike še ku ninga nga uo kiikaha no koompazi notse? Jina okue mühokololele nduno egumbo nkene lja huama, na nkene e mü hupiša momülilo, na šoka a ningile omasiku ta alukua iilalo jomülilo. Okamati oka ti: Meme, nani oua longele ndje ošilonga ošinene, onda li inaa ndi ši tseja nale, ongoje ua li u hoole ndje šili no u hoole ndje sigo nena, ošilonga ši ka ue ši ningile ndje, itandi ši zimbua, no hoole joje nda hala oku ji ziginina sigo okusa kuandje.

Nge tatu zilazila omükulukazi nguka nomūnona, otatu zimbulukua Omükulili guetu Jesus oje e tu longele ošilonga ošine ne, nge tatu mü tala naua, otatu mono iija zi joondungo miikaha no moompazi, noši paka šijaka šomakuegua oša li še mü alu la šili, ošike še mu ehamekiša ngeji? Ohoo le oku tu hoola ojo tuu je mü šiminike o kuja muuehame no meso ndjoka elulu, o po e tu hupiše meso no momülilo guaalu he. Natse uo natu zimbulukue ohoole ndjika je sigo okusa kuetu.

Jehana

## Omakuetu

### TASI TANDAVELE NGAHA:

1) Engela	Oifo	410
2) Ongenga	"	255
3) Oniipa	"	224
4) Olukonda	"	213
5) Ondobe	"	193
6) Eešana	"	192
7) Onajena	"	186
8) Endola	"	183
9) Uukuambi	"	161
10) Ošitaji	"	155
11) Ongandjera	"	142
12) Ombarantu	"	131
13) Osigambo	"	123
14) Onguediva	"	107
15) Halusu	"	91
16) Ontananga	"	69
17) Uukaluuzi	"	54
18) Uukolonkazi	"	28
Okavango	"	32
Uusimba no kiilongo	"	386
kumue		3335

## Omaimbembeleko

Oojakuetu, otandi mu lombuele noku tja uujuni kau li naua nando. Iilonga oji ndji momagongalo getu, nomapuko ogendji, ihe aniuu aasamane naakulukazi ihuepo tuu, šo taa itaala ja fa inaa puka nando, je uete ouala aagundjuka ojo ja puka, auel! Inamu i hekeleka, ošoka onda mono aakulukazi je na nokuli aanona jaa ši joojene mboka ja tulua najo kumue mongerki ko mühongu no kegongalo.

Omolua šike tamu ši ningi? Aagundjuka je mu pa oohapu za Kalunga tazi ti: „Itala ngoje muene, opo u pukulule naua omükueni. Nena ngele to pukulula omükueni ngoje omuinaji, otaši uapa ngini. Nongašika omūsamane ngele ta jono košipango, ota hanga ouala omalovu, e ti išana aakuluntu jegongalo, nenge aalongi. Ngujaka ta ti: Inašu uvika komühongi, ošoka oohapu za Kalunga tazi ti: Tala onteni. Ošo tamu ti! Otandi ti: onteni ondjoka ojomalovu kaji ši ndjoka ua longua koohapu za Kalunga nando.

Otandi mu kundu one mboka aasemi naari jo mOniipa.

Martin Šaniga

## Oihuna joupaani

Mosilongo setu omua li oupika unene esi ovaņu va hepekua unene. Vamue va kuatua moulodi vamue va dipaua. Omulu meņu kua li ha dipaua asike iha kuatua. Omukaiņu oha kuatua ndele ta tulua mosidingo si li kokuulu. Ngenge ta a nje kupopja ota mangua okapatela mangua nga si osikombo. A mangua pejulu oisisi oihuna Ovakrisite ovakuetu! Paimē osi li pe ni? Jesus Krisitus E uja mounjuni, E uja oku tu mangulula. Esi kua li tua mangua komutondi satana, paimē tua manguluka, esi Jesus E uja ku tu hupifa.

A tokaula oidingo nomati kue tu pa ndamo Nekuva lememo. Katu fi vali ova pika voulunde. Iinatu muena tu diinineni tu he li sune keljenge lomutondi. Natu diinine esi tue si peua meendjovo da Kalunga

Moses Nd.

Uuntsa uomuenjo tau tetekele okuhutu ka komulumeņu ndele ne elihupipiko tali tetekele efimano.

Spreuke 18: 12.